

სქმნდ

2021 წელი
8
აპრილი
ხუთშაბათი
№4 (7525)

ხონის მუნიციპალიტეტის თვითმმართველობის გაზეთი

გაზეთი გაშლილი 1932 წლის 5 იანვრიდან

9 აპრილი



9 აპრილის ზნელი ღამე. სისხლიანი რუსთაველი. ორღესული ნიშებით დანახილი ქართველები. ტანკები. ქაშუეთის ატირებული ხატები. ვმინვა, ვოდება, ძახილი...

10 აპრილის წითელი ტიტებით აბრიალებული თბილისი. ამაყი ქართველები. კიდევ უფრო გაზრდილი, მაგრამ დაბოლმელი ახალგაზრდები... ოკუპანტი რუსეთი, კომუნდანტის საათი...

მერამდენედ?! მერამდენედ?! მაგრამ მაინც ფეხზე დგას, ისევ თბილისობს, ისევ შინაობს ჩვენი დედაქალაქი! თალხი ჩაიცვებს დედებმა - ვმირი შვილების დედებმა. გლოვის ზარი ჩამოჰკრავს, ხოლმე, გარინდულ თბილისში... ვერ ვთქვით სიმართლე! კვლავ ბურუსი, კვლავ ტყვილი...
ეს 1989 წლის 9 აპრილი იყო.

მას შემდეგ 32 წელი გავიდა, მას შემდეგ რუსთაველი წითელი ტიტებით ივსება ყოველ 9 აპრილს, ქაშუეთში დანთებული ხანთლები დალუპულთა სულელებს ეფერება და გული სიამაყით ივსება. როგორც ლადო ასათიანი წერს:

„თავს არ მოიკლავს ქართველი არა, ის შეიძლება ბრძოლაში მოკვდეს, ერთი იმედით - სიცოცხლე მარად, გაგრძელდეს ქვეყნად და განმეორდეს“.

1991 წლის 9 აპრილს საქართველოს პირველმა პრეზიდენტმა ზვიად გამსახურდიამ ხელი მოაწერა საქართველოს დამოუკიდებლობის აქტს.

9 აპრილს საქართველოს ეროვნული გმირის მერაბ კოსტავას დაბადების დღეა. ნათელი მის სულს.

მაია შვიტჩიშვილი

ხელოვნების ქურუმი

საქართველოს მოუკვდა ერისკაცი, ლეთის მადიდებელი მგალობელი, უდიდესი ფოლკლორისტი, ხალხური სიმღერების მოდარაჯე, ყველასათვის ერთნაირად ძვირფასი ადამიანი ანზორ ერქომაიშვილი. ნათელი მის ხსოვნას.



ხონელებს გვქონდა ბედნიერება გვეხილა მისი ანსამბლი და მოგვესმინა ჯადოსნური ხმები. დასანანი...
მაია შვიტჩიშვილი

მუნიციპალიტეტში მიმდინარე პროექტები

ქალაქ ხონში, წერეთლის ქუჩაზე, გზის სარეაბილიტაციო სამუშაოები დასასრულს უახლოვდება.



ადგილზე იმყოფებოდა მუნიციპალიტეტის მერი ლადო ჯურხაძე და მერის მოადგილე გერასიმე მგავანაძე. ისინი მშენებელი კომპანიის წარმომადგენლებს გაესაუბრნენ და სამუშაოების მიმდინარეობის შესახებ ანგარიში მოისმინეს.

პროექტი ითვალისწინებდა გზის ასფალტის საფარით მოწყობას, სანიტარურების მოპირკეთებასა და ეზოში შესასვლელების დაგებას. სამუშაოების ძირითადი ნაწილი შესრულებულია. ჯამში 900-მდე გრძ. მეტრ ქუჩაზე ასფალტის საფარი დაიგო.

პროექტს ახორციელებს შ.პ.ს. „ჯ და ჯ“. დაფინანსდა რეგიონული განვითარების ფონდის მიერ.

ხონში მოქმედი მცირე და საშუალო სანარმოებისთვის, გერმანიის მთავრობისა და გერმანიის განვითარების ბანკის (KfW) ფინანსური მხარდაჭერით, სსიპ დევნილთა, ეკომიგრანტთა საარსებო ნყაროებით უზრუნველყოფის სააგენტოსა და ლტოლვილთა დანიის საბჭოს მიერ საგრანტო კონკურსი ხორციელდება.

პროექტის ფარგლებში დაფინანსდა ხონში არსებული 16 ბიზნესი. თითოეულმა მათგანმა საქმიანობის გაფართოებისათვის 2000 ევროს ღირებულების მანქანა-დანადგარები და აღჭურვილობა მიიღეს.

ა/ო ლტოლვილთა დანიის საბჭოს მიერ გამოცხადებულ საგრანტო კონკურსში თავდაპირველად 30 განაცხადი შევიდა. მეორე ეტაპზე 16 აპლიკანტი გადავიდა და ბიზნეს გეგმის წარმოდგენის შემდეგ კომისიამ მიიღო გადაწყვეტილება ყველა მათგანის დაფინანსების თაობაზე.

პროექტის მხარდამჭერი იყო ხონის მუნიციპალიტეტის მერია, რომელმაც უზრუნველყო ადგილობრივი მენარმეების ინფორმირებულობა და ინდივიდუალური კონსულტაციები ბიზნეს-გეგმების მომზადების პროცესში.



პროექტი დევნილთა ეკონომიკურ გაძლიერებას ისახავდა მიზნად და მასში მონაწილეობა იმ ბიზნესის წარმომადგენლებს შეეძლოთ, ვისაც უკონდა დევნილის სტატუსი ან ამ სტატუსის მქონე პირები ჰყავდა დასაქმებული.

ავეჯის სანარმოები, სამკერვალოები, ავტო-ტექ მომსახურების ცენტრები, ფოტო-ვიდეო გადაღებისა და ხმის ჩამწერი სტუდიები, სილამაზის ცენტრები და მეცხოველეობის ფერმა, - ეს ის მიმართულებებია, რომლებმაც განვითარებისთვის გრანტი მიიღეს.

ხონის მუნიციპალიტეტის მერიაში პროექტის „თანამშრომლობა სუფთა გარემოსთვის“ ფარგლებში შეხვედრა გაიმართა.



შეხვედრაზე მხარეებმა სამომავლო გეგმებზე იმსჯელეს.

აღნიშნული პროექტის ფარგლებში ხონში იწყება პლასტიკისა და მუყაოს ნარჩენების სეპარირებული შეგროვება. წინასწარ შერჩეულ ლოკაციებზე დაიდგმება სპეციალური კონტეინერები. საბოლოოდ კი პლასტიკური ნარჩენების ვერტიკალური ჰიდრაულიკური წნეხის საშუალებით, მუნიციპალიტეტი შეძლებს შეგროვებულ ნარჩენებს მისცეს სასაქონლო სახე მისი შემდგომი რეალიზაციისათვის.

პროექტის ფარგლებში დაგეგმილია მრავალფეროვანი საინფორმაციო და შემეცნებითი აქტივობა. ასევე, ნარჩენების მართვის სამოქმედო გეგმის შემუშავება.

გაიმართა ხონის მუნიციპალიტეტში შეზღუდული შესაძლებლობების მქონე



სე პირთა საკითხებზე მომუშავე საბჭოს მორიგი სხდომა.

შეზღუდული შესაძლებლობების მქონე პირთა საკითხებზე მომუშავე საბჭო წარმოადგენს ხონის მუნიციპალიტეტის მერის სათათბირო ორგანოს, რომელიც თავისი კომპეტენციის ფარგლებში განიხილავს ხონის მუნიციპალიტეტში შეზღუდული შესაძლებლობების მქონე პირთა ღირსეული თანაცხოვრებისა და თანაბარი შესაძლებლობების უზრუნველყოფისათვის აუცილებელი პირობების შექმნის საკითხებს.

ა/ო თემთა სოციალურ-ეკონომიკური განვითარების ასოციაცია იმერეთი, ხონის მუნიციპალიტეტის მერიისა და ASB საქართველოს ერთობ-



ლივი ძალისხმევით, ახორციელებს პროექტს „დროებითი თავშესაფარი, კეთილგანწყობილი გარემო.“

პროექტის ფარგლებში გარემონტდა და ინვენტარით აღიჭურვა ხონის ა(ა)იპ სათნოების სახლის რამდენიმე ოთახი, სადაც მონყელადი ჯგუფებისთვის, კვების უზრუნველყოფით მოეწყობა დროებითი თავშესაფარი.

პროექტი დაფინანსებულია ევროკავშირის მიერ.

იავნანას ჯადოსნურ სამყაროში

მუსიკა რომ ცხოვრებას გვიღამაზებს, და ეს ნოტებისგან შემდგარი ხელოვნება, რომ ნამდვილადაა ადამიანის მრავალმხრივი ნიჭის უღამაზესი გვირგვინი უდაოა. აკი კვლევებშიც ცხადყო, რომ მუსიკის მოსმენა ტვინს განვითარებისკენ უბიძგებს, განსაკუთრებით კი ტვინის იმ ნაწილს ანვითარებს, რომელზეც დამოკიდებულია მეტყველების გამართულობა და კითხვის უნარის გამოშუქება. მუსიკის დადებითი მხარე, როგორც მკვლევარები გვარწმუნებენ, არა მარტო მოზარდის აკადემიურ მოსწრებაზე აისახება, არამედ ვითარდ-

დაიდრენ... პატარებმა ყველაზე ძლიერი სულიერი მუხტი მოგვანოდეს, თავადაც შეიქმნეს განწყობა და ჩვენც დაგვანტერესეს... გაკვეთილის თემაც ხომ საინტერესო და მრავლისმომცველია; „სხვადასხვა ხალხის რიტუალები და მუსიკა“, მიზანი კი- განასხვავონ სხვადასხვა კუთხის აკვნის ნანები, განსაზღვრონ მათი დამახასიათებელი მუსიკალურ გამომსახველობითი ხერხები და დაუკავშირონ შესაბამის მხარეებს. და აი, მასწავლებელიც ქალბატონი ირმა ჯალალანია, რომელმაც ბავშვების ოსტატობით მოახდინა მოსწავლეების აუდიტორიასთან ურთიერთობის, განწყობის, ემოციების მართვის მობილიზება მოსწავლეთა წინარე ცოდნის გააქტიურებაზე შეუმჩნეველად გადადის და შეკითხვებით მოსწავლეთა გამოწვევას ახდენს: რა დანიშ-



ბა მოზარდის როგორც ინტელექტუალური, ასევე სოციალური და ემოციური უნარები, რომელიც ეხმარება სხეულს და გონებას ერთად იმუშაოს, აღმოგობესებს მეხსიერებას. არადა, არცთუ ღრმა წარსულში, ეს უმძვენიერესი ხელოვნება, ისევე როგორც ხატვა, სპორტი ნებისმიერ მასწავლებელს შეეძლო ესწავლებინა ვისაც კი დაწყებითი კლასების მასწავლებელი ერქვა... წლები გავიდა და ბევრი რამ გადახალისდა განათლების სფეროში, სწავლისადმი და ნებისმიერი საგნისადმი მიდგომაც შეიცვალა და კიდევ ერთხელ დაგვარწმუნა ყველა, რომ „პური მუბურემ უნდა გამოაცხოს“.

ნულუბა აქვს იავნანას? თავდაპირველადვე დასაძინებელი დანიშნულება ჰქონდა? რომელი გამომსახველობითი ხერხებია საჭირო შინაარსის გადმოსაცემად? მოსწავლეები მსჯე-

ლო, მიმზიდველი და მომაჯადოებელი გაეხადა. დიახ, სწორედ აკვნის ნანების შესახებ, მის ცვლილებებს და ახალ ვერსიებს პროფესიულ მუსიკაში, განიხილავს და ასმენინებს, საკლასო ოთახში სხვადასხვა კუთხის ხალხური სიმღერების „აკვნის ნანების“ გაცნობა- ამოცნობის, კუთხეების გავლენით მათი მსგავსება-განსხვავების შესახებ დიალოგები იმართება, მოსწავლეები ყურადღებით უსმენენ მუსიკას, შემდეგ მსჯელობენ მის ტემბრზე, კუთხური თავისებურებების გავლენაზე.



მუსიკას უდიდესი ჯადოსნური ძალა აქვს, შეუძლია შინიდან გაუსვლელად შემოგატაროს მთელი სამყარო, ხან აგაბობოქროს, ხანაც ტყის ბინადართა საოცარი ჭიკჭიკი მოგასმენინოს და სიმშვენიერეში ჩაფლულმა ჯადოსნურ სამყაროში იგრძნოს თავი, მუსიკის ძალას ყველაზე სათუთი, თითქოსდა მივიწყებული, მაგრამ სულის სიღრმეში კვალდამჩნეული სიმების აულერებაც შეუძლია, დიახ, აკი კარგად ვიცით „იავნანამ რა ჰქმნა!“



ირმა მასწავლებელმა ბრძენკაცის იაკობ გოგებაშვილის მოთხრობა „იავნანამ რა ჰქმნა“ გაახსენა მოსწავლეებს, მაშინდელი საქართველოს მდგომარეობასაც შეეხო და ყველა ქართველისთვის გულში ჩამწვდომი იავნანას ჯადოსნური ძალის დემონსტრირების ფრაგმენტიც გვანვევინა კინო ფილმიდან, ემოციებმა იძალეს, მოსწავლეთა და დამსწრეთა თვალეშიც იავნანას ზებუნებრიობის ძალით გამოწვეული ცრემლი აკიაფდა. ირმა მასწავლებელი ბავშვებს უხსნის „იავნანას“ ზებუნებრიობას, რომ ამ

ნას, ყოველი დედის ნამღერი იავნანა საოცარი, გულში ჩამწვდომი, დაუვინყარი, ტკბილი და განუყოფელია. ერთმანეთს ცვლიდა ხევსურული ნანა, რომლისთვისაც ერთსა და იმავე მელოდიაზე სხვადასხვა სიტყვიერი ტექსტის დამღერებაა დამახასიათებელი, სვანური ნანა, სვანეთის მკაცრი ბუნებისა და ყოფის შესაბამისად იავნანაც თითქოსდა მკაცრია, ომახიანია, თუმცა ამავდროს ძალზედ გულში ჩამწვდომი და სამხმინი მელოდიური სიმღერაა, მოსწავლეებმა იხილეს და მოისმინეს „იავნანას“ ახალი ვერსიები კლასიკურ მუსიკაში, კინოფილმებსა და ბალეტში, ყურადღება გაამახვილეს და ადვილად ამოიცნეს პ. ჩაიკოვსკის ბალეტ „მაცნატუნაში“ გამოყენებული იავნანას მოტივზე შექმნილი ეპიზოდი ბალეტიდან „არაბული ცეკვა“. სახალისო აქტივობები ერთმანეთს ენაცვლება, ფერად ბარა-

ლობენ იავნანას მშვიდ, ნაზ მელოდიაზე, ნელ ტემპზე, გაბმულ, მდორე მოძრაობაზე, მუსიკალურ ტერმინებზე. ირმა მასწავლებლის შეკითხვაზე კიდევ როგორ მოიხსენიებდნენ საქართველოში ძველად „იავნანას“ პასუხიც არ აყოვნებს, რადგან ძველად საქართველოში შვილებს აკვანში ზრდიდნენ ამიტომ „იავნანას“ აკვნის ნანებითაც მოიხსენიებენ. ირმა მასწავლებელმა მოსწავლეებისგან სწორედ ის პასუხები მიიღო, რომელმაც საშუალება მისცა გაკვეთილი კიდევ უფრო საინტერე-

სიმღერის მღერა ყველა დედას შეუძლია თავისი პატარასთვის, და რომ იმ დროს, როცა დედა შვილისთვის მღერის სულაც არა აქვს მნიშვნელობა დედის ხმისა თუ სმენის ქონა-არ ქონა. ირმა მასწავლებელიც ვეაზვნა კინო ფილმიდან, ემოციებმა იძალეს, მოსწავლეთა და დამსწრეთა თვალეშიც იავნანას ზებუნებრიობის ძალით გამოწვეული ცრემლი აკიაფდა. ირმა მასწავლებელი ბავშვებს უხსნის „იავნანას“ ზებუნებრიობას, რომ ამ

სიმღერის მღერა ყველა დედას შეუძლია თავისი პატარასთვის, და რომ იმ დროს, როცა დედა შვილისთვის მღერის სულაც არა აქვს მნიშვნელობა დედის ხმისა თუ სმენის ქონა-არ ქონა.



თებზე „იავნანას“ ხანოტო ჩანანერის ორი ვარიანტიდან სიმღერის სწორი ვერსიის ჩანანერის ბარათები ფრიალებენ... ყოჩაღ! გაკვეთილის მიზანიც ხომ სწორედ ესაა -ამოიცნოს, გა-




ნასხვავოს, განსაზღვროს სხვადასხვა კუთხის აკვნის ნანების დამახასიათებელი მუსიკალურ გამომსახველობითი ხერხები, დაუკავშიროს შესაბამის კუთხეებს. ირმა მასწავლებელი, და რაც მთავარია, მოსწავლეები ემოციებით აღსავსენი ირგვლივ ყველას და ყველაფერს ივინყებენ და მხოლოდ მუსიკის ჯადოსნურ სამყაროში მოგზაურობენ. უთვალავ წარმატებას ვუსურვებთ ჩვენს სასახელო მეოთხეკლასელ გოგო-ბიჭებს, ჩვენს ნიჭიერ, მუსიკაზე, ბავშვებზე უზომოდ შეყვარებულ ირმა მასწავლებელს, რომლის ნებისმიერი გაკვეთილი სწორედ იმის დადასტურებაა, რომ პედაგოგებად იბადებიან!

ლია ჩიხლაძე

მ ი ლ ო ც ვ ა აპრილში დაგადებულ ხონელ მედიკოსებს!

გამაფხულის ულამაზეს თვეში დაბადებულ ევექსის მედიკოსებს ღია ლაქავას, მარცხენა კეთილადებს, ილია კუჭავას, გულო ჩხენკელს, რუსუდან კაკაბაძეს, ნანა ქავჭავანიძეს, ნანა ნვერავას, ახალგაზრდა, ნიჭიერ მე-ნევრებს მიხეილ ჩარგეიშვილს დიდი პატივისცემითა და სიყვარულით ვულოცავთ იუბილეებს. გამაფხულოვით ფერადი, ლამაზი, თბილი და მზიანი წლები უხვად მოგმატებოდეთ, იდღეგრძელებთ თქვენი დიდებული ოჯახებით, უფალმა დაგლოცოთ და გაძლიეროთ თქვენს პროფესიაში. მედიკოსების მუშაკი არამარტო პროფესიაა, არამედ დიდი პასუხისმგებლობა ადამიანის სიცოცხლის წინაშე. ამიტომაც დიდხანს იდევით, ღირსეულად იდევით სიცოცხლის სადარჯოზე ჩვენო ძვირფასებო. თქვენი გამოცდილება და პროფესიონალიზმი შესაძურია, მისაბაძია. გვეამაყებით და გვეიმედებით!



მიიღეთ ჩვენგან გულწრფელი მოლოცვა, დიდი მადლობა და კიდევ უფრო დიდი მადლიერება.

ხონელები

სიკეთე ჰქმენ, ქვაზე დადე...



დღეს, 21-ე საუკუნის საქართველოში, მძიმე პანდემიის ფონზე, ქვეყანა რომ უკიდურეს ზღვარზეა და ყველა საავადმყოფო გადაკეთებულია „კოვიდ“ ცენტრად, ეს ყველაფერი ვიცით. ადამიანი ამ მძიმე კრიზისის დროს, შესს მიმართ რომ ყურადღებას, პატივისცემას და დიდ სიყვარულს გამოიჩინოს, ათმაგად დასაფასებელია...

„მადლი ჰქმენი, ქვაზე დადე, გაიარე წინ დაგვხვდება“-ო, სწორი გამოცხადებაა. მიუხედავად იკარგება ჩემი მოკრძალებული წერილით, მინდა უდიდესი მადლობა და მადლიერება გამოვხატო ნყალტუბოს „ალერგოლოგიის, ასთმისა და კლინიკური იმუნოლოგიის სამეცნიერო კვლევითი ინსტიტუტის“ დირექტორის, მსოფლიო ალერგიის ორგანიზაციის (WAO) დირექტორის მანანა ჩხეიძის, წერეთლის სახელმწიფო უნივერსიტეტის პროფესორის, წარმოშობით ხონელის, სოფ. გორდინიდან უნიჭიერესი და უკეთილშობილესი ქალბატონის მანანა ჩხეიძის მიმართ, რომელმაც იქ მისულს, მისთვის სრულიად უცნობ ადამიანს, მძიმე პერიოდში გვერდით დამიდგა და უდიდესი ყურადღება გამოიჩინა.

არ ვიცი, როგორ გამოვხატო ჩემი პატივისცემა ქ-ნი მანანას მიმართ, აქ სიტყვებიც ზედმეტია, მისი შრომა კი უკიდურესად რთული და შეუფასებელი... ყველაზე ძვირფასი და დიდებული, რაც ადამიანს შეუძლია გააკეთოს, არის უახვაროდ ვალებული სიკეთე. ღმერთმა ყველას მოგვანიჭა უნარი სიკეთის შეძლებისა, შეგრძნებისა, კეთილბუნა. სიკეთის მკეთებელი ადამიანი ბედნიერია და კიდევ უფრო ბედნიერია მისი მიმღები. სწორედ ამ ვანცდამ ვადაამაწყვეტინა ამ მოკრძალებული სამადლობელი წერილის დაწერა.

ქ-ნი მანანა, თქვენს მიმართ გულწრფელ მადლიერებას გამოვხატავ გვერდით დგომისა და იმ დახმარებისთვის, რომელიც თქვენ და თქვენმა არაჩვეულებრივმა ლაბორანტებმა გაიჩინეთ.

ჩემი ძვირფასო ქალბატონებო - მანანა ჩხეიძე, რუსუდან იოსელიანი, ნანა ჩოგვაძე (ბოდიში ყველას ვერ ჩამოვთვლი) - გამოცდა თქვენმა თბილმა დამოკიდებულებამ, პროფესიონალიზმმა, რომ არა თქვენი საოცარი ვულსხმიერება, მე, ალბათ, ამ ყველაფერს ვერ შევძლებდი...

ქ-ნი მანანა, კიდევ ერთხელ ვიხდით დიდ მადლობას. ვისურვებთ სულიერ სიმშვიდეს, წარმატებებს პირადსა და პროფესიულ საქმიანობაში. მადლიერ პაციენტთა ლოცვა არასოდეს მოგკლებოდეთ, მინდა ვითხრათ, რომ სიკეთე უკან აუცილებლად დაგიბრუნდება!

იხარეთ ორსავ სოფელსა შინა!
სალომე ქალატოვი

სარაიონო ბიბლიოთეკის დაარსება

1882 წელს ხონის ბაზარში ივანე შარაშიძემ ნესტორ წერეთლის დახმარებით წიგნის მალაზია გახსნა. 1883 წელს გაზეთი „დროება“ გულისტკივლით აღნიშნავდა, რომ ხონში არის განათლების რამდენიმე კერა, მაგრამ დაბაში ვერ ნახავთ ვერც ბიბლიოთეკას, ვერც წიგნის მალაზიას. უფრო მკვეთრი იყო გაზეთი „ივერიის“ გამოხსენება ხონელების გამოსაფხიზლებლად. 1895 წელს „ივერიამ“ ხონელი კორესპონდენტი წერდა: „ყოველ კუთხეში შეიგრძნობა სწავლა-განათლების მნიშვნელობა, ხონელებს კი არა გვეძველა რა, ამოდენა დაბაში ერთი სამკითხველო არ არსებობს“. მართლაც, 1860 წელს მოსახლეობამ ხონში სამი ათასს, 1900 წელს - 5 ათასს, 1913 წელს კი 6 759-ს გადააქარა.

1895 წელს გაზეთი „მომამე“ აღნიშნავდა, რომ ხონელებს, კერძოდ, სამასწავლებლო სემინარიის მასწავლებლებს განუზრახავთ, გახსნან სახალხო სამკითხველო და მისი განყოფილებები სოფლებში. რედაქცია ქ შ ნ კ ვ საზოგადოებას მოუწოდებდა, თავის თავზე აეღო ბიბლიოთეკის ხელმძღვანელობა და დახმარება. ის ამ ფაქტს „საყურადღებოსა და სასიამოვნოს“ უწოდებდა („მომამე“, 1895 წელი, 12).

პუბლიცისტი ალექსანდრე ნულუკიძე „ივერიის“ განმეორებით წერდა, რომ „მამა ნესტორ ლეჟავას სამკითხველოს დაარსება განუზრახავს და ამისთვის თანხაც შეუკრებია“. ნესტორ ლეჟავა მაშინ მღვდელი იყო, მერე ბერი ეპისკოპოსი გახდა, იგი ბოლშევიკებმა დახვრეტეს 1924 წელს როდინაულში. რედაქციები ივანე შარაშიძეს მოქმედებისკენ მოუწოდებდნენ, რადგან სხვები „თაფლში თითის რევას ვერ მორჩნენო“. 1896 წლის ერთი საბუთით დგინდება, რომ ხონელებს თანხა მართლაც შეუგროვებით და მთავრობისთვის წებართვაც უთხოვიათ ბიბლიოთეკის გასახსნელად, მაგრამ საქმე გაქინურებულა.

1897 წელს ჟურნალი „კვალის“ წერდა, რომ „ხონი ისევ მოკლებულია სამკითხველოს და ამ საქმეში ხონელებს ისევ ივანე შარაშიძის იმედი აქვთ, ისევ მან უნდა იღვანოს, თორემ ზოგიერთები ხომ ვერ მორჩებიან თაფლში თითის რევას“.

ივანეს წინადადებით 1899 წელს ხონელების საზოგადო კრებამ დახმარებისთვის მიმართა ქართველთა შორის წერა-კითხვის გამავრცელებელი საზოგადოების გამგეობას.

პოლკოვნიკი ევგენი ქუთათელაძე ამის გამო დავით კარიჭაშვილს წერდა: „ხონელებმა მთხოვეს, ჩამოვიდე თბილისში და მმართველობას ვთხოვო უფლება ხონში ბიბლიოთეკის გასახსნელად“.

1899 წლის 14 ივლისს მიღებულ იქნა გამგეობის თანხმობა, რის გამოც ხონის საზოგადოების კრებამ მიიღო დადგენილება: ვთხოვოს ქართველთა შორის წერა-კითხვის გამავრცელებელი საზოგადოების დაგვიარსოს თავის სახელზე დაბა ხონში საჯარო საბიბლიოთეკო სამკითხველო.

ამ ბიბლიოთეკის შესახად ვალდებულებას ეკისრულობთ, თითოეულმა ვიხადოთ არანაკლებ ერთი მანეთი.

ბიბლიოთეკის სამზრუნველოდ არჩეულ იქნეს კომიტეტი ხუთი კაცის შემადგენლობით. კომიტეტის თავმჯდომარედ არჩეულ იქნა ექიმი და პედაგოგი მათე ბახტაძე, ხაზინადარად-იოსებ ბალანჩივაძე, მდივანად-მიხეილ ქუთათელაძე, წევრებად: ევგენი ქუთათელაძე და ვალერიან მებუკე, კანდიდატებად: ილია ნულუკიძე და სევერიან ჩხენკელი.

ივანეს წინადადებით ბიბლიოთეკის პირველ გამგედ დაინიშნა კონსტანტინე წერეთელი, ბიბლიოთეკით სარგებლობისთვის დაწესდა სამი თანრიგის გადასახადი: 20 კაპიკი-გაზეთებისათვის, 30 კაპიკი-წიგნის გატანისათვის და 5 კაპიკი გაზეთით და ჟურნალით ადგილზე სარგებლობისათვის.

ბიბლიოთეკა ოფიციალურად გაიხსნა 1901 წლის მაისს. მას პირველსავე წელს 300 წიგნი შექონდა, მათ შორის 225 წიგნი ქართული იყო.

ამ ფაქტს მიესალმა „კვალის“ რედაქცია. ის აღნიშნავდა, რომ ხონმა დიდი ნაბიჯი წარსდგა წინ სწავლა-განათლების საქმეში. სამკითხველოს გამგეები იყვნენ სოციალ-დემოკრატები: პოლიკარპე კიკალიშვილი და ვარლამ შავდია, მათ მოსიკო ქელიძე ეხმარებოდა.

ბიბლიოთეკა ბაზარში იყო, ხმაურიან ადგილას, რაც ხელს უშლიდა მკითხველებს კითხვასა და აზროვნებაში, ამაზე ისევ პრესა ახმაურდა. კრიტიკამ შედეგი გამოილო და ის „დუქნების რიადზე“ გადაიტანეს. ახლა მის აივანზე ათასი ვურის უსაქმური იყრიდა თავს და ლაზღან-ფარობდა. მათ შესახებ ილია ბახტაძემ დროულად მოათავსა ჟურნალ „კვალში“. მასში ვკითხულობთ: „რამდენიმე ათეული თუ იქნება ხონში სამკითხველოში გულთ მოსიარულე. ან რად უნდათ კითხვა, რაც მათ აინტერესებთ, მას უგაზეთოდაც ვებულობენო“.

საინტერესოა აღინიშნოს, რომ ვერც კიდევ 1902 წელს დიდი ილია ალუშოთე-ბია ბიბლიოთეკით სარგებლობისთვის 5 კაპიკის გადახდას, მას უშუამდგომლობა ნიკო ცხვედაძესთან და ზოგიერთი ხარჯის დაფარვა ქართველთა შორის წერა-კითხვის გამავრცელებელი საზოგადოების გამგეობას უკისრია, რაზედაც ერის მოამაგე წერდა ხონელ პედაგოგ ალექსანდრე მაჭარაძეს. რადგან სამკითხველო შეუფერებელ შენობაში იყო მოთავსებული, ილია ბახტაძემ „კვალში“ დასვა საკითხი, ხონში აეგოთ სახალხო სახლი, რომელშიც სხვადასხვა კულტურულ დაწესებულებასთან ერთად ბიბლიოთეკაც განთავსდებოდა. ხონის საზოგადოება ბიბლიოთეკის ბინის ქირად წელიწადში 90 მანეთს იხდოდა. ამრიგად, სამკითხველო ეკონომიკურ სიძნელეს განიცდიდა. 1903 წლის 20 ივლისს ისევ გაიმართა საქველმოქმედო ღონისძიება-აკაკის „პატარა კახის“ წარმოადგენა და ბიბლიოთეკას 20 მანეთი ერგო.

1909 წლიდან ბიბლიოთეკაში მუშაობდნენ: ეფროსინე ნიკოლაძე-ჭიჭინაძისა, ეკატერინე ვორჟევა-ბახტაძისა, ნინო წიგნივაძე, მარიამ ქუთათელაძე, მათე ბახტაძე და სხვები.

1901 წელს ბიბლიოთეკის ფონდით უსარგებლოა 1531 კაცს, 1904 წლამდე მკითხველთა რიცხვი 6000-მდე გაზრდილა. 1909 წელს ხონში ჩამოყალიბდა ქართველთა შორის წერა-კითხვის გამავრცელებელი საზოგადოების ხონის განყოფილება, რომელმაც იკისრა შეფომა ბიბლიოთეკასა და თეატრზე.


1912 წელს მღვდელმა სპირიდონ გორდულაძემ ხონის ბიბლიოთეკას საჩუქრად გადასცა 359 წიგნი, მათგან 104 ქართული, 255 კი რუსული წიგნი იყო. ამ ღვაწლის შესახებ მოზრდილი წერილი გამოაქვეყნა გაზეთმა „ჩვენი ერი“ (1914 წელი, 23). ამ პერიოდში ხონის სამკითხველო ლეზლობა 26 დასახელების ქართულ და რუსულ ჟურნალ-გაზეთებს, მაგრამ გაზეთი „კოლხიდას“ ცნობით ის შაბათ-კვირას და უქმე დღეებში დაკეტილი იყო.

1912 წელს გარდაიცვალა ცნობილი საზოგადო მოღვაწე ივანე შარაშიძე, რომელმაც ქართველთა შორის წერა-კითხვის გამავრცელებელი საზოგადოების ხონის განყოფილებას უანდერძა საკუთარი სახლ-კარი.

1914 წელს ბიბლიოთეკა ამ ვებერთელა სახლში იქნა გადატანილი, ახლა იქ კინო-თეატრია.

ათანადილ ფაილოქი,
ლია ჩარავიშვილი

სადი ძეგლის საიდუმლო



ლალი ჩიჩქაძე
სადი ძეგლის
საიდუმლო
ნინო ბ-ნი დავითაშვილი

საპარტოვლო

რატომ უყვართ საქართველო, ან ქართველი რატომ უყვართ? სიყვარულის გასამრჯელო ქართველმა თუ გასცა უხვად. რა თქმა უნდა-რა თქმა უნდა, არ ცივდება გული ქართლის, ვერვინ იტყვის, დაძაბუნდა, გზა დაკარგა მან სიმართლის. სიყვარულის გამოხატვა რომ არც ისე იოლია. რამდენი რამ გვითხრა დარდმა, დარდმა ვერ აგვიყოლია.

ამ სათაურით დაიბეჭდა განსხვავებული კაცის, უცნაური თვალთახედვისა და წინასწარმეტყველის ბ-ნი დავით ჩიჩქაძის ახალი წიგნი.

ჩვენი მკითხველისათვის ცნობილია ბ-ნი დავითის პროზა და პოეზია. იგი სათქმელს ლამაზად და ლაკონურად ამბობს ყოველთვის. მისი შთავგონების წყარო მოსე ხონელის „ამირანდარეჯანი“ და შოთა რუსთაველის „ვეფხისტყაოსანი“ა. ჩაკირკიტებს ყოველ სტრიქონს და

აკავშირებს მას თანამედროვე მოვლენებთან, ფაქტებთან და გამოაქვს უცნაური დასკვნები. ბ-ნი დავითი ხშირად ფილოსოფიურ ლაბირინთში გვაშოგზაურებს, ჩვენც დაგვაფიქრებს ბევრ რაიმეზე და ნებისით თუ უნებლიედ გვხდის თანამოაზრედ ან უმეტეს შემთხვევაში ოპონენტად..

წიგნში ბ-ნი დავითი განიხილავს ქართულ ხალხურ ზღაპარს „ივანე ცისკარისა“ და „ამირანდარეჯანი-

სა“ და „ვეფხისტყაოსანში“ დასმულ საკითხებს ბუნებრივად უკავშირებს ზღაპრის ფაბულას (რა თქმა უნდა, მისი ინტერპრეტაციებით).

...ასევე საინტერესოა აღზაზვითან დაკავშირებით გამოთქმული მოსაზრებები და პოეტის ახალი ლექსები, რომელსაც (რამდენიმეს) ვბეჭდავთ ამჯერად.

მაია ფიქრიშვილი

მე გაზაფხულის სურნელს ჩეხული

აი, აქ წრეში სიარულს მოვრნი და ახლა სხვა გზით ვაპირებ წასვლას, და რომ ეს აზრი ახლაა ნორჩი ვგრძნობ მომავალში ბედს განმისაზღვრავს.

თქვენ დაფიქრებით, ეჭვადქცეული, იტყვი, ციკაბო გზებით დავდივარ, მე გაზაფხულის სურნელსჩეხული თამამად გეტყვი - წრიდან გავდივარ.

აჰ! ჩვენი გზები, სად არ იყოფა, მაინც ერთად ვართ დაფიქრებული, სულს სადიდებლად ისიც ეყოფა, რომ არ იშლება ვარსკვლავთ კრებული.

რომ გამარჯვების დროშას გავშლიდით, ამ ხალისს გული წინათაც გრძნობდა, და დავრჩებოდით სათნო ბავშვივით, ბავშვობა ისევ თავს გაგვაცნობდა.

ფიქრის სათავე

სად არის ჩვენი ფიქრის სათავე, ან საძირკველი ჩვენი ოცნების, თვალი მოვაველე, სად არ ვატარე, ვერ ვნახე სიო გამოცოცხლების. ისევ ჩემს გულში, სულის სიღრმეში, ისევ და ისევ ცხარე ცრემლები, ცრემლებს ამოყვა მწარე ნუგეში, ვიცი ცრემლებად დავიფერფლები. აჰ! დაფიქრებად მიღირს ყოველი ჩემი ნაბიჯის მომდევნო ნუგა, მე მოვდივარ და შენგან მოველი, გული ხომ შენთვის სიახით დნება. აჰ! გული-გული, იქნებ გახსოვდეს, მხოლოდ ფიქრია სიცოცხლის წყარო ფიქრში ჩაფლული სიცოცხლეს გრძნობდეს, კვლავ სიყვარულით რომ გაიხარო. სად არის ნეტავ, რასაც დავეძებთ, ან იქნებ სულაც არ გვიღირს ძებნა, ნუ ავჩქარდებით, აღარ დავეცეთ, კვლავ სიცოცხლესთან მოგვინვეს შეყრა.

გული გვატკინა...

თენგიზ კაპანაძის ხსოვნას



ჩვენს ასაკში შეიძლება სრულყოფილად ვერც კი ვაცნობიერებთ რა არის სიკვდილი. ერთი კია, რომ უზომო გულწინაყვება ახლობელი ადამიანის გარდაცვალება. ასეთი გაოგნებულები და დაბნეულები არასოდეს ვყოფილვართ თენგიზ ბიძია, გული გეტკივა... და ამის მიზეზი შენა ხარ. მთასავით გვერდით გვედები. შენ მარტო ლუკას - ჩვენი კლასელის, მამა კი არ იყავი, არამედ - თითოეული ჩვენგანის დიდი იმედი და

ძალა. ყველა ექსკურსიაზე დაგვეყვებოდი. როგორ გვანებებოდე, ბავშვებს არაფერზე გულს არ გვენყვებდი, რამდენჯერაც გვინდოდა, იმდენჯერ ვსხდებოდით გასართობ ატრაქციონებზე და ყოველთვის ფულს შენ გვიხდიდი. მერე მძლოლს რაღაცას ეტყოდით და რესტორანში გაშლილი სუფრა გვხვდებოდა... ვიხსენებთ ამ ტკბილ დღეებს და გული ძალიან გვენყდება, რომ ჩვენთან ერთად აღარ იქნები.

თენგიზ ბიძია, ალიკოს და ლუკას მეგობრები, მათთან ერთად, არასოდეს დავივიწყებთ და უფალს შევავედრებთ შენს კეთილ სულს სასუფეველი დაუშკვიდროს. შენთან ერთად გვახსენდება ჩვენი მერაბი მასწავლებელი - უდროოდ იმიერში გადასახლებული. თქვენი სიკვდილი ნამდვილად თავზარდამცემი იყო ყველასთვის...

უფალს ებარებოდეთ ძვირფასო ადამიანებო.
შუბირის საჯარო სკოლის X კლასის მოსწავლეები, მშობლები, დამრიგებელი.

თქვენს ხსოვნას ვაჟკაცებო...

მერაბ თადუშაძე, კოტე ჩიჩქაძე, თენგიზ კაპანაძე



თქვენს ხსოვნას, ვაჟკაცებო, თაობები შეინახავენ როგორც სიმბოლოს კაცურკაცობის, სიკეთის, სიმართლის, პასუხისმგებლობის, სიყვარულის და სიხარულისა...

წუთისოფლის ფერხულში სამივენი აქტიურად იყავით ჩართულნი. ხარობდით ნარმატვებით, ცხოვრებით, ქირში გვერდით ედებოთ ყველას და ვადიოდა ტკბილ-მწარე დღეები, წლები... ულმოებულმა სიკვდილმა ნაადრევად მოგვცელათ ჩვენო მერაბ, კოტე, თენგიზ. მეტი გავარდა მონმენდილ ცაზეო, - იტყვიან ჩვენში დიდი მწუხარების დროს და ასე იყო მერაბ თადუშაძის გარდაცვალება. საღ-საღამათი კაცი რამდენიმე საათში გამოეთხოვა სააქაოს. მერაბი 12 აპრილს 58 წლის გახდებოდა...

მერე იყო კოტე (კოტიკო) ჩერქეზია. კაცი, რომელიც ქუტირის თემის ყველა ოჯახის გულშემატკივარი, ქომაგი, მოამაგე იყო და,

რომელიც დააკლდა ყველას. კოტიკო 10 აპრილს 61 წლის გახდებოდა...

თითქოს ეს საქმარისი არ იყო და თენგიზ კაპანაძე მეგობრების გზას დაადგა. მან ნაადრევად გაიხურა სახლის კარი, დააოხრა ორი ვაჟკაცი და მარადისობაში, 26 მარტს, 52 წლის თუბილე იზეიმა...

თენგიზ და კოტე ვაჟკაცურად ებრძოდნენ სიკვდილს. განვალდნენ, თუმცა, იმედი არ დაუკარგავთ და ბოლომდე სიცოცხლის სჯეროდით. მერაბი კი ვერც გაიხურა რა დაემართა, ნამებში დაადგა გზა-მართალს...

სამინელებია ყველაფრის გაანალიზება. თითქოს სიკვდილიც გაუფერულდა, გაახალგაზრდავდა და ყოველი ცისმარე დღე გვაახლოებს მასთან. სიკვდილის შიშმა თითოეულში დაისადგურა. ანკი რა იმედი უნდა გქონდეს ამ გაუკულმართებულ ყოფაში...

ჩვენო მერაბ, კოტე, თენგიზ სულთ ხორცამდე შეგვძრა თქვენმა გარდაცვალებამ. გამძლეობა შქონოდეთ თქვენს ოჯახებს, კიდევ ერთხელ მიიღეთ გულწრფელი სამძიმარი ჩვენგან. სკოლა თქვენი ერთ-ერთი ქირისუფალთაგანია გვეროდეთ.

მშვიდად განისვენეთ ჩვენო მეგობრებო. უფალს ებარებოდეთ, სულთათანა თქვენს ლამაზ სულებს. არასოდეს დავივიწყებთ და ვაჟკაცებს, ახალგაზრდებს, სიცოცხლით სავსეს და პირმოცივნარეებს ვაგიხსენებთ ყოველთვის. დიდებული ადამიანები არ კვდებიან! ისინი თვალთახედვიდან გადიან, ფერს იცვლიან და ისევ ჩვენთან რჩებიან...

თქვენ მუდამ ჩვენთან იქნებით!
შუბირის აპ.ტარაძის სახელმწიფოს საჯარო სკოლის დირექტორი, პედაგოგიური და ტექნიკური პერსონალი

მაია ფიქრიშვილი, აკაკი, პეტო რუხაძეები თუნიყვიან
თენგიზ კაპანაძის
გარდაცვალებას და თანაუგრძნობენ ქირისუფალთ.

გაზეთ „ხონის“ რედაქცია თანაუგრძნობს ოთარ და კახა ქაშიბაძეებს ძმის
ოლეგ ქაშიბაძის
გარდაცვალების გამო.

<p>რედაქტორი მაია ფიქრიშვილი ტელ: 577397468</p>	<p>სარედაქციო კოლექცია ნანა ფანცულაია (პასუხისმგებელი მდივანი) ლია ჩიხლაძე (კორექტორი)</p>	<p>ამ ხაზინფორმაციის ცენტრი „ხონი“ დირექტორი მამიაზან პასტაძე რეგისტრირებულია სსიპ საჯარო რეესტრის ეროვნული სააგენტოს მიერ. რეგისტრაციის ნომერი B15078094. ელფოსტა: xonissainformacio centri@yahoo.com</p>	<p>რედაქციის მისამართი: პოლიკარბე კაპანაძის ქ. 15წ. საგარეულოს შესობა. II სართული.</p>	<p>გაზეთი იმყოფება დეკლარირებული და ოფსეტური წესით დაიბეჭდა შპს „ხონი“ 36-30 ლიხაინური თბა პაპაძე ოპერატორი სსიპი ალბერტი ქუთაისი, თბილისი ქაჭავაძის გამზ. 33 ტელ: 22-37-11, 22-34-99.</p>	<p>გაზეთი გამოდის თვეში ორჯერ ფასი 50 ტომად</p>
--	--	--	--	--	--